



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Consolator Fidelis Et Proficientis Animæ seu  
Exhortatiunculæ Spirituales Et Succinctæ In singulas  
Dominicas & Festa anni divisæ, quibûs Confessarius in S.  
tribunali animam Deum verè quærentem paternè ...**

**Eisvogel, Veremund**

**Augustae Vindelic., 1727**

December.

[urn:nbn:de:hbz:466:1-52716](https://nbn-resolving.org/urn:nbn:de:hbz:466:1-52716)

DECEMBER.

Festum S. Francisci Xaverii ex  
Societate Jesu Apostoli Indianorum  
zelosissimi.

EXHORTATIUNCULA I.

**V**ivere totum S. Xaverii erat promo-  
vere Dei honorem, & gloriam.  
Ideò nulla ei requies, otium nullum.  
Quis finis nostræ vitæ, ô dilecte fili! si non  
Deus? Heu! damnabilis est! Unus Deus  
quærat. Etenim ad imaginem Dei facta  
anima rationalis; cæteris omnibus occu-  
pari potest, repleti non potest. S. Bern.

*Instructio meritoria.*

Erravimus dilecte! non Deum, sed  
nosipos non rarò pro fine habuimus.  
Satisfacturi pro flore, & incremento in-  
clytæ Societatis Jesu Psalmum: *Deus ju-  
dicium tuum regi da &c.* cum oratione  
de Festo recitemus. Dabit, & impetrabit  
D. Xaverius, ut in suis indies zelosiùs glo-  
rificetur Deus.

II.

**A** Deò S. Xaverius stiebat labores, cu-  
ras, & sollicitudines pro lucro ani-

marum subeundas, ut tempore consolationis exclamaret: *Satis est*: in angustiis verò, & laboribus: *Amplius Domine! Amplius!* Quid ad hæc nostra in proximum charitas? Si talis non est, qualis S. Xaverii, modica, aut nulla est. Et tamen gaudemus nomine fratris Christi. Dilecte mi! capiamus magni Xaverii doctrinam. *Divinum aliquid est*, ait, *posse aliis prodesse. Quot ad frugem perditos reducis, tot lethales pepulisti morbos, imò totidem ad vitā mortuos resuscitasti. Quanti hanc in corporibus artem faceret medicus, quā in animos tibi concessit Deus!*

*Instructio meritoria.*

Versus quatuor mundi partes flectamus, & ut ibi omnes Missionarii, ac viri Apostolici magna, & grandia præstent verbò & exemplò in conversione gentium, ad quamlibet orbis plagam *quinque Pater & Ave* oremus cum suspirio: O Beata Trinitas! da nobis animas! da & in fide constantiam.

III.

**E**Cce! vinctum in Domino! Ecce Xaverium Martyrem in desideriis genero-

nerosissimum! Pro Christo in regno Sy-  
narum mori exoptat. Et dum gladio  
mori non licuit, mortuus est amore, &  
desideriò. O chare! profectò sic perde-  
re lucrum est, ubi vita hæc mortalis pro  
Deo ponitur; non est mors dicenda, sed  
vitæ melioris commutatio questuosissi-  
ma; nam brevis æternâ, misera commu-  
tatur felicissimâ. Quæ præplacet?

*Instructio meritoria.*

Pro Deo, & animarum lucrò audea-  
mus multa, & magna! Possumus, dum  
volumus. Et quid seriò velle, & fervidè  
laborare impedit? Nonne languor, tepi-  
ditas, vanus, stultusque timor? Citò ex-  
cutiamus, & post missam pro extirpatio-  
ne hæresum, pro concordia Christiano-  
rum Principum, pro exaltatione Roma-  
næ Ecclesiæ, & Fidei Catholicæ quotidie  
recitemus *septem Pater & Ave* cum de-  
siderio D. Xaverii: O Deus! *Ego amo*  
*te, nec amo te, ut salves me &c.*

Festum S. Barbaræ Virginis &  
Martyris constantissimæ, morien-  
tium Patronæ.

EXHORTATIUNCULA I.

**F**ili! nondum contemnimus mun-  
dum, nondum & hominem mala  
suadentem nobis? Audi, quid heroina  
S. Barbara Genitori suo ad nuptias co-  
genti: *Non committam Pater, ait, ut  
mortalem sponsum cælesti ac divino an-  
teponam.* Præstat obedire Deo, quàm  
parenti proprio. Dicamus jam strenuè  
cum S. Paulo: *Omnia detrimentum fe-  
ci, & arbitror ut stercorea, ut Christum  
lucrifaciam.*

*Instructio meritoria.*

O deplorandam infidelitatem no-  
stram! Dimittimus non rarò Divinum  
obsequium, ut obsequamur homini in  
rebus etiam pessimis. Quis hic perversus  
agendi, & amandi modus? Ut re-  
spectum triumphemus humanum, &  
solum Deum in vita nostra circumfera-  
mus, propter hominem nullum spiritua-  
le exercitium intermittamus, potiùs fer-  
vorem

vorem augeamus per recollectionem animi, repetitâ sæpius B. Climaci protestatione: *Melius est contristari parentes, aliosque homines, quam contristari Deum.* Datô imposterum pro studiis, aut orationibus signô statim relinquamus conversationem, & ad cellam, vel Sanctissimum pergamus recitaturi *tria Pater & Ave cum Te Deum Laudamus.* Tres sunt in cœlo! & hi tres unum sunt. Adoretur in Trinitate Unitas, & in unitate Beata Trinitas!

## II.

**D**ilaniatur tenera Virgo crudelibus tormentis, tamen clamat: Quis me separabit à Charitate Jesu? Dilecte! fortè quærit ex me cum S. Thoma Villanovano: *Quis autem fecit Martyres diras, & acerrimas subire pœnas?* Dico liberè: *Viva fides.* An non hæc deest nobis? Urget charitas, ut patiamur. Et ecce! jam fugimus. O fili! verè in nobis patitur Christus opprobrium, in nobis Christiana lex patitur detrimentum! Salvianus.

*Instructio meritoria.*

Ut revivifcat, & de novo in nostris fides ardeat pectoribus, ter coram Sanctissimo Venerabili flectamus, & comitante sancta Barbara oculis penitus clausis illud adoremus, semper *quindecim Pater, & Ave* recitantes cum uno *Credo*. Claudamus sensus, & vivet fides nostra. Beati, qui non viderunt, & crediderunt.

## III.

**O** Quantum nos angit, & torquet memoria mortis! Fili, noli timere! Patronam bonam, & potentem nobis Deus dedit in S. Barbara. Hanc colamus, hanc diligamus: Et fiet, ut in Virgineis S. Barbaræ moriamur brachiis. *Expectata quotidie finem vitæ*, monet S. Ephrem, *& ad illud iter te prepara*. Sanctis quatuordecim Auxiliatoribus, quos inter & S. Barbara, diem Mercurii dedicemus, & si advenerit, unum speciale, & supererogatorium recitemus Rosarium. Volunt juvare boni cœlites: Sed si antea invocati.

Festum

Festum S. Nicolai Episcopi, Pa-  
troni Pauperum, & egenorum pro-  
videntissimi!

EXHORTATIUNCULA I.

**C**harissime! Novimusne S. Nico-  
laum? Dubito; quia Patri cœlesti  
tam rarò gratias agimus pro beneficiis  
tum naturæ, tum infinitæ suæ Providen-  
tiæ. Deus est, qui dat escam esurienti-  
bus: Et non agnoscitur? *Deus dat om-  
nibus affluenter*: Et quis clamat: *Quid  
retribuam Domino*. Profectò mi fili!  
nec pro his omnibus, quod rependamus,  
*habemus, nisi tantum, ut diligamus*. S.  
Bern.

*Instructio meritoria.*

Post quamlibet refectionem hodie  
pergamus ad Ecclesiam, & sub adora-  
tione Sanctissimi Altaris Sacramenti  
compensemus data desursum pro susten-  
tatione corporis munera, recitantes  
*quindecim Pater & Ave* cum uno psal-  
mo ex *pœnitentialibus*. Clausula sic af-  
fectus admirationis: *O sacrum Convi-  
vium! in quo Christus sumitur, recoli-*

Ff 5 tur



tur memoria Passionis ejus; mens impletur gratiâ, & futura gloria nobis pignus datur. Ecclesia.

## II.

**Q**uid hoc? communibus gratiis contenti esse non volumus? Semper ad prodigia, ad miracula attendimus. Si non videamus, non credimus, non ferventer Deo servimus, liberè peccamus. O pretiosum gratiæ momentum! *Semen modicum est, sed magnus inde fructus: In hoc momentaneo latet aternitas.* S. Bernardus.

*Instructio meritoria.*

De precemur ingratitude nostram, in cujus satisfactionem preces mensales clausis oculis persolvamus subjungentes in ecclesia, vel cellâ psalmum devotissimum: *Benedic anima mea Domino, & omnia, quæ intra me sunt, Nomini sancto ejus.* Quod dat Deus, commune non est. Omne datum desursum optimum.

## III.

**Q**uorum est regnum cœlorum? O Fili! nunquid parvulorum, & simplicium.

plicium? Sic Christus: *Sinite parvulos venire ad me.* Non curemus, neque contristemur cum S. Nicolao, si despiciamur à mundo, & homine. Sit satis, quòd placeamus cœlo, & Deo. Si nos hominum opinio movet, maturè abstinemus ab omni opere. Quidquid enim agamus, vel omittamus, perinde est, experiemur criticos. Quid fatigamur? Agamus, quod agi vult Deus. Despici meretur à Deo, qui in hujus causa hominem respicit.

*Instructio meritoria.*

Taceamus ad irrisiones, vexationes, & linguæ alienæ irritationes. Dicamus: *Amplius Domine! amplius. Tibi laus, honor, & gloria.* Pro ipsis verò irrisoribus, & exactoribus nostris recitemus datâ opportuniore occasione S. Rosarium Dolorosum, cuiuslibet *Pater noster* addendò verba S. Stephani: *Domine! ne statuas illis hoc peccatum.* Deus mala immittit, quòd multa neglexerimus bona: *aquum est, ut qui beneficiis non intelligitur, plagis intelligatur.* S. Cyprianus.

## Festum S. Ambrosii Magni Ecclesiae Doctoris.

## EXHORTATIUNCULA I.

**S**imus discipuli tanti Doctoris! Fuit ita potens verbô, & exemplô, ut errantem Augustinum reduxerit ad ovile Jesu Christi. Gratulemur oviculæ! gratulemur & bono Pastori. Nihil Deo gloriosius, nihil gratius Christo, quàm conversio animarum. Pro his sanguinem dedit, quem sanè in labantis orbis firmamentum denegasset. O si zelus domûs Dei & animarum commederet nos! Domine! da nobis animas. Alioquin morimur!

*Instructio meritoria.*

Ut plures ejusmodi in ecclesia quotidie animarum piscatores, & exemplares Doctores prodeant ad insigne ovilis Christi augmentum, officium de Spiritu sancto recitemus. Clamemus, ut videamus. *illum amemus, quem amare debitum est! illum exosculemur, quem osculari sanctitas est.* Paulinus.

II. Con-

## II.

**C**ontristamur non rarò propter negotia, aut officia nostra. Unde? quia plus hominem attendimus, quàm Deum. S. Ambrosius etiam Imperatoris functus est munere: sed nunquam divisus in suo corde. Faciliùs operamur cum Deo, quàm sine eo. Cur ergo toti ad extra effundimur? Fili mi! nolo ipsum otiosum! Nolo & suorum rerum incurium! Sed primas Deo curas, & animæ dandas suadeo. Non deerit, mihi credat, quin primùm quærenti regnum Dei fausta eveniant omnia. Probatum est!

*Instructio meritoria.*

Omnes functiones totius diei exactè exequi, & mentem tamen cœlo tenere affixam satagamus. Ut fiat, statim à manè pactum ineamus cum Deo, & sensibûs nostris, pro quorum custodia expansis brachiis *duodecim Pater, & Ave* coram Sanctissimo Venerabili præmittat. Non operari, sed operari *benè*, & *attentè*, sanctificat.

Ff 7

III. Pro-

## III.

**P**roximus jam morti S. Ambrosius ait ad suos: *Non ita inter vos vixi, ut pudeat me vivere; nec timeo mori; quoniam Dominum bonum habemus. Fili!* & de nobis auderemus dicere talia? Estne & noster vivendi modus sic probatus Deo? Optamus. Ergo & mores, & sensus reformemus. Sed quomodo? per quotidianam præparationem pro mortis horâ. Beatus, qui semper mortem expectat impavidus! qui ad proximæ mortis nuntium non immutat colorem! Adveniente vespere gaudet operarius. Qui dolenda non egit in vita, nunquam mori timebit. Timeant Athei! gaudeant innocentes Christiani!

*Instructio meritoria.*

In hac doctrina ut strenuè nos exercemus, semperque armati pro lucta ultima vivamus, hodie, & imposterum singulis saltem mensibus semel pro nobis ipsis *commendationem anime* coram Sanctissimo, vel devotò Crucifixò magno cum fervore præmittamus. In fine addatur psalmus: *Paratum cor meum, Deus!*

VIII. Decemb. B. V. M. sine labe conceptæ. 687

*Deus!* paratum cor meum. Tristem expectet mortem, qui vitam egit immemorem æternitatis.

Solemnitas ter Benedictæ Virginis Mariæ sine Labe, & macula Conceptæ.

EXHORTATIUNCULA I.

**D**Um de peccatis agitur, nullam volumus Mariæ haberi mentionem, affirmat S. Augustinus. Maria ergo Mater sine omni macula? Sic credimus. Nos quales filii? O si digni *Immaculatâ!* Erimus dilecte! si quæ pura, munda, & casta sunt, prodiderunt verba, cogitationes, & opera.

*Instructio meritoria.*

Dignos proin reddamus nos! præsentem octavam speciali modestiâ, & gravitate morum transigendô, & quotidie tres actus reflexos illarum virtutum exercendô, & exercitos Venerabili Patri spirituali in confessione proxima extradendo. Sic jubet Maria! sic & exigit angelica modestia. Ne in hac deficiamus, *Cursum*  
*Ma-*

688 VIII. Decemb. B. V. M. sine labe concepta.  
*Marianum offeramus Intemeratae. Modicum quid ad Tantam!*

II.

**I**Nterrogat S. Birgitta Beatissimam caelorum Reginam, ut diceret: quis modus suæ Conceptionis? Et ecce! respondit parens Benedicta: *Concepta sum ex Joachim, & Anna sine originali peccato.* Gratulemur parentibus! gratulemur & filiae! gratulemur & toti SS. Consanguinitati. Nobilitas, & gloria genuina non à carne & sanguine formatur, sed à vitæ & morum integritate. Quacunque poleamus virtute, si careamus puritate, fidas numeramus.

*Instructio meritoria.*

Pro hac supplicemus Sanctissimam Consanguinitatem Jesu, Mariæ & Josephi, & in eorum venerationem *Lytanias de omnibus Sanctis* illius SS. Consanguinitatis ex Legibus Marianis persolvamus. Magna & pretiosa virtus est puritas, & innocentia vitæ! indiget multo, & magno præfidiò.

III. Di-

III.

**D**ilecte ! diligite Mariam ? Non dubito. At non verbis, sed opere probatur amor. Probabit, si studeat semper esse, & vivere cultor perpetuus, & zelosus Promotor Immaculatæ Conceptionis. Quid melius deceat Mariæ filium, nescio. Exclamo jam admirabundus cum Venerabili Guerico: *Prorsus nova Mater Maria, quæ novitatem attulit inveteratis filiis, vitiūque sanavit tam ingeniæ, quam superadditæ vetustatis.*

*Instructio meritoria.*

In venerationem Mysterii adeò stupendi dicamus *decem Pater & Ave* pro memoria decem Virtutum, in quibus se strenuè exercuit Intemerata Virgo.

- I. Charitatis erga Deum, & proximum.
- II. Humilitatis.
- III. Gratiitudinis.
- IV. Misericordiæ.
- V. Pietatis.
- VI. Mortificationis.
- VII. Obedientiæ.
- VIII. Orationis.
- IX. Patientiæ.
- X. Constantiæ.

Post hodiernam S. Communionem formulam recitemus Votivam : & quoties audierimus Nomen Virginis Mariæ, venerabundi



di capita inclinemus cum dicto mentali:  
*Salve! laudetur millies!*

Festum S. Luciaë Virginis &  
 Martyris.

EXHORTATIUNCULA I.

**N**Utantes in fide ut confirmaret Lucia,  
 Deum rogat, ne subito interficeretur  
 inter tormenta. Placuit cœlo sanctum  
 votum, & conservata est in lucrum ani-  
 marum. Nutant, & periclitantur adhuc  
 innumeræ animæ. Quid hîc charitas, &  
 benevolentia nostra? In auxiliis terreri  
 non debet. Compedes corpori injici,  
 non animo possunt; liberum hunc vo-  
 luit Deus, ut arbitrio suo dextram eligat,  
 vel sinistram, proximum deserat, & amo-  
 rem sui præponat. Cum Maria nos par-  
 tem eligamus optimam.

*Instructio meritoria.*

*Oremus* Pro illuminatione omnium infide-  
 lium, paganorum, Judæorum, & hære-  
 ticorum, præsertim illorum, quibus lu-  
 men fidei adhuc illuxerat nunquam, re-  
 citemus officium cum Lytaniis de Spiri-  
 tu Sancto. Si boni & pii nil agunt pro  
 lucro

lucro animarum, sanguis Christi peribit in multis. Multi enim vocati, sed pauci electi. Et hos paucos in fide, & charitate firmet Christiana pietas.

## II.

**M**Aluit S. Lucia torqueri gravissimè, modò permetteretur longiùs vivere pro salute unius animæ pretiosæ. Tanti faciunt animas Sancti! Non mirum! Dedit & pro harum pretio Pater æternus suum Unigenitum. Fili! erimùsne nos tam ignavi ut nec propriam, nec aliorum æstimemus, & æstimandò pro omnimodâ justitiâ, & sanctitate etiam grandia, & heroica audeamus opera? Abjecti animi ad omnem difficultatem trepidant. Virum exuat, qui ad primum sancti laboris conspectum fœmineum degener fugit in pavorem. Magno servimus! Magna tentemus.

*Instructio meritoria.*

Probemus hodie zelum, probemus & amorem! Igitur ut omnes sancti & sanctæ Dei succurrant jamjam de salute periclitantibus, coram Sanctissimo Venerabili dicamus *Lytanias de omnibus Sanctis.*

*Etis.* Membrum compatitur membro, Quàm doctrinaliter Paulus : Pro invicem sollicita sunt membra, & si quid patitur unum membrum, compatiuntur omnia membra : sive gloriatur unum membrum, congaudent omnia membra; vos autem estis corpus Christi, & membra de membro.

## III.

**A**H! quid video? Lucia Virgo ad lupanar rapitur. Quid oviculæ innocentissimæ inter lupos? At ô fili! non timeamus! Deus stetit pro innocentia; quia castam nec manus violenta à loco potuit dimovere. O quis cordis Virginitatem, & innocentiam non custodiat? Hanc qui dimisit, amisit Deum, amisit omnia. Polleat homo quacunque virtute! si careat castimoniâ, fictas virtutes numerat.

*Instructio meritoria.*

*Ora.* Ut intercessione S. Luciae multiplicentur casta in mundo, & SS. Religionibus pectora, Litanias de Beatissima Virgine Maria persolvamus dicendo : *Ora pro eis.* Addendô in fine *septem Pater & Ave*

*Ave* in honorem septem Festorum Mariae. Qui elucidant me, vitam habebunt aeternam.

### Festum Expectationis Beatissimae Virginis Mariae.

#### EXHORTATIUNCULA I.

**E**Xpectat Maria Redemptionem nostram. O quali cum gaudio! quantâ modestiâ, & puritate! Chare fili! nunquid & nos expectamus, ut in cor nostrum veniat oriens ex alto Christus Jesus cum omnibus suis donis, & gratiis? Præparetur itaque cor, & illis exornetur virtutibus, quibus excoluit Maria, & videbimus gloriam Domini intra nos. *Animi, & corporis mundities oculos mentis acuit ad videndum Deum. S. Xav.*

#### *Instructio meritoria.*

Speciali affectu, & devotionis sensu gratulemur Mariae ad instans Nativitatis Dominicæ gaudium; quod, ut usque ad ipsum festum debitè præveniamus, quotidie recitemus *novem Pater, & Ave,* & si fieri potest, etiam *novies Magnificat*  
in

694 XVIII. Decemb. Expectationis B. V. M.

in honorem novem mensium, quibûs  
Jesum portavit sub immaculato, ac vir-  
gineo utero. *Unde sordes in domo, in  
qua nullus habitator terræ accessit, so-  
lus ad eam ejus fabricator, & Dominus  
venit. S. August.*

II.

**Q**uid sibi Festum Expectationis? Ut  
agnoscamus Redemptionis nostræ  
beneficium, & grande in Maria  
admiremur Maternitatis Mysterium.  
Pro primo gratias agamus SSS. Trinita-  
ti: Pro secundo collatemur Mariæ.  
Hinc Maria effecta est sabbatum no-  
strum, quô requiescimus; Solis dies,  
quô illustramur; Lunæ, quâ benignè re-  
ficimur; Martis, quô & certamus, & vin-  
cimus; Mercurii, quô sapimus; Jovis,  
quô lætamur; Veneris, quô castè amare  
didicimus. Ita Salazar.

*Instructio meritoria.*

Utrumque ut devotè, & dignè reco-  
lamus, ad signa Salutationis Angelicæ,  
ubi ubi fuerimus, humiliter flectamus,  
& manibûs erectis veneremur contenta  
in salutatione Redemptionis Sacramen-  
ta.

ta. Pro veneratione septem gaudiorum  
Beatissimæ Virginis *Coronam* hodie Ma-  
rianam cum mysteriis gaudiosis persol-  
vamus. Hoc Mariæ privilegium est,  
quòd, quidquid post Deum pulchrius,  
quidquid dulcius, quidquid jucundius  
in gloria est, hoc Maria, hoc in Maria,  
hoc per Mariam est. S. Bonaventura.

III.

Quod quondam Isaias, id nobis qua-  
si innuit hīs diebūs Maria: *Confor-  
tamini, & nolite timere! Ecce  
Dominus noster veniet, cum virtute, &  
illuminabit oculos servorum suorum.*  
O felicia tempora! his sancta respondeat  
vita!

*Instructio meritoria.*

Sed quomodo? Manè dum surgimus,  
à vespere dum lectum sternimus, & ad  
noctem dum cubitum petimus, flecta-  
mus genua, & adoremus Jesum in utero  
Matris, & dicamus: *Centies millies lau-  
detur dulcissimum Dei Verbum pro nobis  
Incarnatum hīc & ubique semper.* Ad-  
damus & quotidie tempore opportuno  
illas 7. Antiphonas, quæ incipiunt sub  
littera

littera O majore. Simus ò chare! devoti servi Filii, servitatem fideliter appetamus Genitricis. Sic nempe refertur ad Dominum, quod servit ancillæ: sic redundat ad Filium, quod impenditur Matri: sic transit honor in regem, qui defertur in famulatum Reginae. S. Ildeph.

Festum S. Dominici à Silos ex  
Ord. S. P. Benedicti.

EXHORTATIUNCULA I.

**P**ascit hic parvulus oves paternas! subito exardescere incipit desiderio, & amore magnæ sanctitatis & obtinuit contemptu sæculi. Abundamus mi fili! vitiis: caremus desiderio Christianæ sanctitatis? Quæ causa? Nimius mundi amor, & tœdium virtutis. Deum inquiramus. Nemo imbecillis est, qui scienter nititur ope divinâ. Miramur, nos non operari magna? Credidero; Quia magna non speramus. Nostræ confidentiæ commensurat Deus influxum gratiæ. Hâc viâ scandemus ad maxima.

*In.*

*Instructio meritoria.*

Igitur tres heroicas statuamus victorias contra appetitum concupiscibilem vel in loco refectionis, vel tempore recreationis reportandos. Ut Deus suam tribuat gratiam, præmittamus *duodecim Ave* cum illis orationibus ex Cursu Mariano ad Laudes, inchoandò ab Antiph. *Sancti Dei omnes intercedere dignemini &c.* O chare! nostrò vitiò, non Numinis gratiam offerentis parsimoniâ tot intercidunt bona, quæ præstò possent fieri Dei gratiâ. Non esurimus Justiciam! ideò hæremus in minimis.

## II.

**P**ROPTER Justiciam sustinuit exilium S. Dominicus. Pro Deo, pro Maria, pro virtute, & nostra sanctitate quid nos attentamus? Magna sunt illa omnia. Et vilibus expleri operibus, patitur Christiani, ac religiosi animus? Fili! non quid à nobis factum, sed quid fieri debuisset, si in censum vocemus, ingens obligationis onus nobis incumbere fatebimur, dum plura factis omissa comperiemus. Heu! Quæ tunc nostra erubescencia?

G g

In-



*Instructio meritoria.*

Non quidem à nobis extraordinaria petuntur, hæc tamen assumere, perfectorum, & Deum verè quærentium est. Extraordinaria sunt, quæ defursum accepimus, Dei munera: Et quid extraordinarium hodie, vel in temperantia, vel in modestia, vel in taciturnitate operari non pigeat. Pro quarum virtutum (ò quàm nobilium!) augmento recitemus *officium de SSS. Trinitate*. Tria nobis defunt! ab Uno Trino petamus!

## III.

**I**Nter adversa S. Dominicus Mariam afflictorum consolatricem semper pro asylo habuit, triplici & ab Illâ redimitus coronâ. O beata sic coronandorum fors! Una harum mille terræ superat coronas. Nec unam devotis filiis præparat cœlorum Regina. Properemus, laudemus, veneremur Mariam, ut comprehendamus.

*Instructio meritoria.*

Pro triplici hac corona trinum hodie ex singulari erga quindecim SS. Mysteria devotione S. Rosarium recitemus.

Non

Non deerit præmium, si nos à cultu, & amore Mariæ nullum retraxerit tœdium. Per Mariam enim innocentia reparatur, vita angelica reducitur, Deus homini pacificatur, & unitur, diabolus vincitur, & conteritur, juxta scriptum: *Ipsa conteret caput tuum.* Idiota.

## Festum S. Thomæ Indiarum Apostoli.

### EXHORTATIUNCULA I.

**D**isplicuit Christo incredulitas Thomæ. Hinc illa increpatio: *Noli esse incredulus; sed fidelis.* Fili! terreat nos ista, & ad vivam, ac operosam animos excitent fidem. Sine fide impossibile est placere Deo: Credere enim oportet accedentem ad Deum, quia est, & quia remunerator bonorum est. Hebr. 11.

#### *Instructio meritoria.*

Ne simus de numero eorum, qui ad tempus credunt, & in tempore tribulationis recedunt, in honorem duodecim Apostolorum hodie *duodecim Pater & Ave cum symbolo. S. Athanasii: Qui-*

*cunque vult salvus esse &c. recitemus cum repetita sæpius S Marci attestatione: Credo Domine! adjuva incredulitatem meam.*

## II.

**B**Eati, qui non viderunt, & crediderunt. Fides firma, & viva esse debet. Sed non est, si solùm secundùm carnem, & sensualitatem est. Velle tantùm credere, quod manibus palpabile, non credere, sed decipi est. O chære fili! si credimus solùm secundùm carnem, moriemur. Testor D. Jacobi verba: Sicut enim corpus sine spiritu mortuum est, ita & fides sine operibus in spiritu factis. Non nomen salvat Christiani, sed mensura Nominis. Peccata increduli Christiani graviora sunt, quàm peccata gentilium, *quia atrocius sub sancti nominis professione peccamus.* Salvianus.

*Instructio meritoria.*

Tremenda hæc sunt! studeamus hodie reflexè divinæ præsentia nobiscum repetendo suspiria Thomæ jam jam pœnitentis: *Dominus meus, & Deus meus!*

Jun.

Jungamus quoque psalmum: *Quàm dilecta tabernacula tua Domine Deus virtutum &c.* Non contemplerur, quæ videntur, quia temporalia sunt. Ad invisibilia cum fidei oculis. Hæc æterna sunt.

## III.

**F**ides constans est. Qui perseveraverit usque in finem, hic salvus erit. Quis autem inconstantior homine sensualitati deditô? tamdiu credit, quamdiu inter corporis solatia, recreationes, & alia carnis delectamenta. At hîs recedentibûs, aut ablatîs obliviscitur Domini, ac Dei sui. O miseram fidem! non fidem, quia mortua.

*Instructio meritoria.*

Nunquam accedamus locum refectio-  
nis, recreationis, aut conversationis nisi  
aut præmissô speciali examine, aut coram  
Sanctissimo reflexâ intentione devotissi-  
mâ cum positiva protestatione, non ali-  
ter, quàm cum, & propter Deum nos  
reficiendi, refocillandi &c. In confirma-  
tionem addamus unam, alteramve cau-  
telam circa gustum, linguam, oculos, &  
auditum, quam roborabimus *septem*

G g 3

*Pater*

702 XXIV. Decemb. Vigilia Nativ. D. N. J. C.  
*Pater, & Ave cum uno Credo.* Ibi plus  
requiritur cautelæ, & sollicitudinis,  
ubi plus imminet periculi. Ne amare  
videamur, fugiamus.

Vigilia Nascituri Domini nostri  
Jesu Christi.

EXHORTATIUNCULA I.

**C**onfolamini! consolamini dilecte  
mi! Hodie scietis, quia veniet Do-  
minus: & manè videbitis gloriam ejus.  
Constantes estote! Crastina die delebitur  
iniquitas terræ, & regnabit, super nos  
Salvator sæculi. O quanta dies! Taceant,  
& quiescant cogitationes turbidæ! Jesus  
appropinquat! Fili! ad Jesum propera-  
mus. Ut autem videamus Deum de  
Deo, lumen de lumine.

*Instructio meritoria.*

Præparemus Domino optatum habi-  
taculum per solitariam, quietam, & so-  
briam vitam, nos segregandò à negotiis  
extrinsecis, & detinendò in solitudine  
sancta. Repetamus illa septem O Ma-  
jora cum oratione de Vigilia. Quod pi-  
sci est aqua, hoc nobis est vita recollecta.

Hâc

XXIV. Decemb. Vigilia Nativ. D. N. J. C. 703

Hâc quid est præclarius (interrogat S. Augustinus) Quid animæ utilius? Quid spiritui dulcius? Quid in tota nostra religione sublimius?

II.

**A**t tendamus zelose fili! stant ante fores Jesus, & Maria. Stant, pulsant, rogitant: Aperi frater! aperi fili! Præbe mihi cor tuum. O quantum scelus! negare Deo, negare Mariæ, quod tam ardentè expetunt. Quàm dulce, fuisse semper cum Jesu, & Maria! Mortis hora pandet omnia. Væ tunc ignorantibus Jesum, & Mariam. Quis enim consolabitur agonizatuos? Jesus & Maria respondebunt: *Nescio vos.*

*Instructio meritoria.*

Aperiamus dilectè mi pulsantibus continuâ hujus diei recollectione, impendamus nos totos lectionibus spirituales huic festo magis propriis, adhibeamus & specialem meditationem de Beneficio Redemptionis, & frequenter nos coram Sanctissimo Altaris Venerabili piis suspiriis, atque desideriis ad Domini adventum detineamus recitandò psal-

Gg 4

mum:

704 XXIV. Decemb. Vigilia Nativ. D. N. J. C.  
mum: *Benedic anima mea Domino &c.*  
aliúmque actum sacri rigoris, vel humi-  
litis in gratiarum actionem petendo à  
Ven. Patre spirituali. Chare! *Demus*  
*Deo aliquod tempus vita nostra, ne diem*  
*totum ista vanitas, & sollicitudo mise-*  
*randa consumat.* Chrysol.

III.

**O** Impietatem mortalium! quot sunt,  
qui Festivitatem crastinam pietate,  
amore, devotione, aut compassione hu-  
maniter præveniunt? Ah! quoties Je-  
sus! quoties Maria pulsantes, & stantes  
ad cor hominis audient: *Clausæ est ja-*  
*nua! nescio vos.* Ferreum sic pectus,  
quod non doleat ad tantum impietatis,  
& nefandæ ingratitude scelus.

*Instructio meritoria.*

Nos de sorte piorum (utut paucorum)  
simus! Hinc compatiatur pauperibus,  
imò derelictis Jesu, & Mariæ, & in com-  
pensationem omnis ingratitude, om-  
nis irreverentiæ, & humanæ impietatis  
*tria Rosaria* cum omnibus Mysteriis fle-  
ctentes quàm devotissimè persolvamus.  
In fine prostrato corpore, & expansis  
bra-

XXV. Decembris. Nativitas D. N. J. C. 705

brachiis nostras quoque deprecemur irreverentias, addendô psalmum *miserere*. Fili! ô quàm profundè nos submittere debemus in oculis offensæ Dei Majestatis, coram qua nihil aliud nos esse invenimus, quàm nihil, & nihil. Humiliemur, ut nos Deus exaltet in die visitationis.

## Nativitas Domini Nostri Jesu Christi.

### EXHORTATIUNCULA I.

**T**Aceo mi fili! quia vobis loquitur Verbum, quod hodie Caro factum est. O si loqueretur, nobisque spiritum insufflaret suæ humilitatis, perfectum rerum mundanarum contemptum, & amorem erga cœlestia ardentissimum! ut obtineamus, transeamus usque Bethleem! Si nunquam detestati sumus pompam sæculi, hodie fiat coram Præsepio Domini. Natus enim & datus est nobis nudus, pauper, & inops Parvulus, & hic Dei Unigenitus.

#### *Instructio meritoria.*

Visitemus præsepe Domini, sed eâ modestiâ, & gravitate, quâ hodie adorârunt

G g 5

An-



706 XXV. Decemb. Nativitas D. N. J. C.

Angeli. Accedamus: sed hęc propositō, nec oculos ad curiositatem aperiendi frivolam, nec linguam solvendi ad garrulitatem minimam. Consolari debemus Jesum, non offendere, & contristari. Coram præsepio erectis manibus recitemus 33. *Pater, & Ave* in venerationem totius ætatis Christi. *Si quis non amat Dominum nostrum Jesum Christum, anathema sit*, clamat D. Paulus.

II.

**O** Tremor! Hic ipse Divinus Pusio, quem cernimus plorantem in præsepio, jam nunc fungitur officio Judicis. Jesu lacrymæ, Jesu fasciæ clamant: *Væ vobis divitibus! væ vobis, qui saturati estis. Væ vobis, qui nunc ridetis.* O fili! talia sectari quàm periculosum! quàm offensivum nati Redemptoris?

*Instructio meritoria.*

Abstergamus has lacrymas! Jesum tollamus de præsepio, in corde abscondamus, & absconditum deportemus nobiscum ad mensam & de quolibet cibo aliquam portionem esurienti offeramus. Finitō prandiō revertamur ad præsepe  
Domi-

Domini, & in honorem omnium membrorum Jesu, quibûs amore nostrum tormenta gelu, frigoris, & reliquæ passionis quàm patientissimè sustinuit, Rosarium dolorosum persolvamus erectis manibûs. Amor non est, qui nescit compati. *Quantò igitur Jesus pro nobis vilior, tanto nobis charior.* S. Bern.

## III.

Dilecte! propter nos nudos nuditatem induit Jesus Incarnatus, non propter fortunas, aut naturæ dona ac munera. Ideò & nos quærit, non illa; & quia nos quærebat, voluit deserere illa, nudos nos expectans in coelis. Quid igitur timeamus pauperes fieri, si in corde integrum portare possumus regnum? Beati autem pauperes; quoniam regnum Dei intra vos. Quid paupertate melius? Quid securius? Quid jucundius? Tristentur omnes, cuncti gemant, formident universi; hæc semper hilaris perseverat. S. Laur. Just.

*Instructio meritoria.*

Pauperes simus in abnegatione cupiditatum nostrarum ad hanc, vel illam

Gg 6

rem

rem habendam, aut ad plus sumendum de cibo, & potu, quàm petit naturæ necessitas: aut ad longius confabulandum, & conversandum, quàm animæ expedit. Actus ejusmodi abnegationis exerceamus *duodecim*, & Jesulo inopi in præsepio offeramus cum Lytaniis de Dulcissimo, & superbenedicto Nomine Jesu addita contestatione cordiali: *Hoc oro, hoc desidero, ut ab omni proprietate expoliatus, nudus nudum Jesum sequi valeam.*

## IV.

**P**Ræsepe Domini & Redemptoris Schola est sapientiæ. Fili! intremus, ut illuminemur. Verùm quæ ibi doctrina? audiamus, quid nobis Dei Unigenitus: *Beati pauperes! Beati, qui lugent! Beati, qui patiuntur! Beati, qui contemnuntur.* En, Divinus Pusio eligit humilitatem, ærumnas, paupertatem. Non sic mundus. Quis ergo decipitur? Aut Christus? Aut sæculum? Chare! nos ipsos inspiciamus: & sententiam dabimus. Sed ubi?

In.

*Instructio meritoria.*

Coram Præsepio. Ibi per horam perseveremus, & cum officio de amantissimo Corde Jesu in honorem quindecim Mysteriorum tria S. Rosaria addamus. Oranti, & ad cunas Jesu vigilanti dabitur manna absconditum, & nomen novum.

**Festum Gloriosissimi Protomartyris S. Stephani.**

## EXHORTATIUNCULA I.

**L** Apides torrentis S. Stephano dulces fuerunt. Cur? Quia gaudens suscepit, ut mereretur accipere coronam gloriæ. O igitur quàm verum Pauli dictum: *Non sunt condignæ passiones hujus temporis ad futuram gloriam.* Dæmon patientiâ confunditur. Fortitudo, & laus nostra Dominus. Fili! non interrogemus, quæ patimur? Sed quæ passus est ille: Quanti nos fecit, ex his, quæ pro nobis passus est, attendamus. S. Bernardus.

*Instructio meritoria.*

Lapides sancti Stephani nobis non desunt. O utinam non & illius patientia!

Gg. 7

Conf-

710 XXVI. Decembris. S. Stephani.

confiteamur huic fiducialiter nostram infirmitatem, & ut tempore tribulationis nobis potenter assistat, cum hodierna Communione sacramentali unum Rosarium ei offeramus, desiderantes: *Lapidari Domine cum S. Stephano, lapidari, & non mori.*

II.

**E**Cce video caelos apertos, Exclamat B. Stephanus. *Vidit & Jesum stantem à Dextris virtutis Dei.* Hæc præmia sunt pro Deo decertantium. Si delectent, non attendamus, quid dicant homines, sed quid mereatur Deus, & quid à nobis exigit Christus. Hinc S. Augustini monitum: *Hæc quanta sint, cogitate! Hæc in statera cordis vestri appendite, & totus vobis figatur in corde, qui totus pro vobis fixus fuit in Cruce.*

*Instructio meritoria.*

**S**ed quid exigit Christus? Victoriæ de respectu humano, qui toties nobis clauserat cælum. Igitur in Divinis officiis, exercitiis religiosis, & visitationibus Ecclesiæ simus zelosissimi. Claudamus sensus, mortificemus visum, & linguam, & videbimus Jesum stantem à Dextris Dei. Porro Rhythmum dicamus Angelici Doctoris: *Adoro te devotè latens Deitas.* Non sensibûs, sed spiritu jungimur Deo.

III.

**I**Nter dolores fortè obiit S. Stephanus? Neutiquam: sed *obdormiit* (memorant acta Apostolo-

stolorum: *in Domino*. Mors piè viventium somno est similior; quia tunc belli finis, & pacis initium. O fili! an non & nos desideranter ingemiscimus; *Moriatur anima mea morte iustorum!*

*Instructio meritoria.*

**D**abitur, si vivamus, si laboremus, si & patiamur ut Iusti. Igitur pactum faciamus cum omnibus Sanctis in cœlo triumphantibus, saltem semel in septimana recitandi *Lytanias de Illis*, ut vel hoc fœdere nobiscum vivant inter hujus sæculi miseras, & varietates: & tandem à lectulo mortis feliciter, suaviterque deducant ad optatam patriam. Notemus & Divi Augustini Doctrinam: *Mori malè times, & malè vivere non times. Corrige malè vivere, time malè mori: Sed noli timere: Non potest malè mori, qui vixerit bene.* Id quod nobis tribuant Superi!

Festum S. Joannis Evangelistæ Discipuli Christo amicissimi.

EXHORTATIUNCULA I.

**H**ic est discipulus, quem diligebat Jesus. Cur dilexit præ cæteris? Quia Virgo electus à Christo, Virgo in ævum permansit. O Fili! quò plus cordis amaverimus puritatem, & munditiam, eò plus crescimus in amicitia cum Christo. Puritas cor possidentis lætificat, & animæ ad cælestia alas addit; passiones minuit, & animum à turbationibus protegit; justos illuminat, & diabolo offundit tenebras. Beatus, qui  
fic

712 XXVII. Decembris. S. Joannis Evang.

sic permanserit, nec aliud ad cor admiserit, nisi solum Dominum Jesum Christum. Hunc eligamus, dilecte! *qui, cum omnia fuerint subtracta, solus servabit fidem in die sepultura nostra.* S. Bernardus.

*Instructio meritoria.*

Eligamus in specialem castitatis Patronum S. Joannem Evangelistam, eumque singulis diebus martis (qui alias sacri sunt Consanguinitati Jesu, Mariæ, & Josephi) *tribus Pater, & Ave* veneremur, addendo *ψ. ora pro nobis S. Joannes Evangelista &c.* & collectam ex hodierno festo, quæ incipit: *Ecclesiam tuam Domine benignus illustra &c.* Non est terra oblivionis, quam anima Joannis inhabitat, cœlum est. Nunquid cœlestis habitatio animas indurat, aut memoriâ privat, aut spoliât pietate? S. Bern.

II.

**B.** Joannes tam graphicè expressit Jesum, ut alter fuerit filius Mariæ. Chare! possumus & nos. Possumus in oculis per modestiam, in ore per taciturnitatem, & mansuetudinem, in manibus & corpore per Christianam gravitatem, & prudentiam. Ut fiat, lex jubet amicitia cum Christo. Hinc Seneca: *Ea est jucundissima amicitia, quam similitudo morum conjunxit.*

*Instructio meritoria.*

Sit ergo hodierna conversatio cum hominibus rara. Cum Christo, cum Maria, & S. Joanne Evang. aliisque cœlitibus sanctis in templo, in pia recollectione esse satagamus; In hunc finem

finem post quamlibet refectionem, vel recreationem pergamus ad ecclesiam, *(novem Pater, & Ave)* in honorem totius SS. Consanguinitatis Jesu offerendò. *Vera amicitia tantum inter bonos oritur, inter meliores proficit, inter optimos, & sanctos consummatur.* Cassiod.

## III.

*Sic cum volo manere, donec veniam,* ait Christus de Joanne. Ut vel inde disceremus, non satis esse per aliquot dies vivere nos justos, humiles, & castos. Perseverantia coronat opus. *Multò melius est, non coepisse, quàm in bono non perseverasse.* S. Aug. *currere fratres* (clamat Bernardus) *tota curia coelestis nos expectat.* Fiat!

*Instructio meritoria.*

Pro gratia finali quàm modicum egimus, dilecte fili! satisfaciamus, & imposterum pro conservatione illius quotidie *Lytanias Lauretanas* persolvamus; Singulis verò mensibùs unam certam eligamus diem, in qua præmissa S. Confessione sacramentalem Communionem cum cæteris diei operibus SSS. Trinitati ad stabilendam nobis agonizantibus finalem gratiam offeramus. Recitemus psalmum: *Confitemini Domino; quoniam bonus.* Qui seminat in benedictionibus, de benedictionibus & metet. *Certè modicum seminis incrementum non modica messis multiplicatio est.* S. Bern.

Festum



Festum SS. Innocentium Primorum  
Martyrum.

## EXHORTATIUNCULA I.

**H**i parvuli nondum noverunt Jesum, & jam pro hujus honore pretiosæ cadunt victimæ. O fili! nobisne ignotus Christus? Ah! quanto jam novimus tempore. Novimus ex beneficiis, quæ singulis momentis accipimus innumera: Novimus in anima, & in corpore. Cur ergo tepescimus in ejus obsequio? *Optima beneficiorum custos est ipsa memoria beneficiorum, & perpetua gratiarum confessio.* S. Chrylost.

*Instructio meritoria.*

Nulla igitur dies sine linea. Nulla dies sine actu heroico. Et ne omittamus, urnulam nobis formemus, cui quotidie immitamus schedulam actu exercitò signatam. O quantum cum diebus, & cum his crescentibus victoriis nostri crescent thesauri in cœlis! Industriam adeò sanctam ut inflamment Sancti in cœlis, de Illis oremus *Lytanias majores.* Filius hominis venturus est in gloria Patris sui cum Angelis, & Sanctis suis: & tunc reddet unicuique secundum opera ejus.

## II.

**I**nnocentium Passio fuit Christi exaltatio. O fili, injustè patimur persecutiones? Patiamur gaudentes. Herodes his parvulis non profuisset tantum parcendò, blandiendò, & favendò, quantum profuit eos persequendò. Erramus,  
mi

XXVIII. Decemb. Sanctorum Innocentum. 715  
mi dilecte, si cogitamus, nos integros, & non  
benè contusos perventuros ad cœlum: Cœlo-  
rum regnum est regnum detruncatorum, ten-  
tatorum, & contemptorum. Quomodo au-  
debimus inter tot decantatos comparere capita-  
neos, & duces, qui adeò vivimus timidi?

*Instructio meritoria.*

Sileamus cum infantibus ad omnes vexatio-  
nes, ad verba pungitiva, & acuminosa, & corde  
tacitò dicamus: *Domine Jesu! tu scis, quòd  
amem te; quia hæc patior tui amore.* Dein pro  
ipsis vexatoribus, ne Deus puniat, subjungamus  
expansis brachiis *quinque Pater, & Ave* cum  
suspirio S. Stephani: *Domine! ne statuas illis  
hoc peccatum: sed dimitte nobis debita nostra,  
sicut & nos dimittimus debitoribus nostris.* Ne-  
scit nostra religio accipere personas, nec condi-  
tiones hominum, sed animas inspicit singulo-  
rum. S. Paulinus.

III.

**N**ihil coinquinatum intrabit in regnum cœlo-  
rum. O nos beatos, si parvulorum hodie-  
norum simplicitatem induerimus, & innocen-  
tiam. Hīs virtutibus rapitur Deus cum cœlo.  
*Simplices diligit Deus,* testatur S. Augustinus.  
Simplices erimus, si nos mundo non implicave-  
rimus. Nam implicandò jam erimus duplices.

*Instructio meritoria.*

Ne corrupta prævaleat in Christianos politia,  
& plus vivatur ex fraude, dolo, simulatione,  
& astutiâ, quàm verâ, genuinâ, & sanctâ charita-  
te,

716 XXIX. Decembris. S. Thomæ Archiep.  
te, offeramus hodie psalmos *graduales*. Ab hy-  
*dicuntur* pocrifi, à simulatione, & politiâ subdolâ libera-  
nos Domine! *Hypocrite vivunt aliis, & sibi mo-*  
*riuntur.* S. Greg. O miseros!

Festum S. Thomæ Angliæ Cancellarii,  
Archiepiscopi, & Martyris pro Immunitate  
Ecclesiæ Constantissimi.

EXHORTATIUNCULA I.

O Quàm arduum S. Thomas subiit certamen  
pro Ecclesia! Jacturam bonorum, amico-  
rum proscriptiones, exilia, & quidquid malo-  
rum potuit inferri, tulit à rege Henrico. Qua  
mentis dispositione? Immoto vultu, & animò  
invictò. O fili! qui fuimus hoc anno impatien-  
tia, & fortitudine Christiana? O si æquales S.  
Thomæ! quanta jam nostra foret merces in cœ-  
lis! Sæpe quæ inter damna censemus, ut pluri-  
mum lucra nostra sunt. Opes, honores, æsti-  
mationem hominum nobis aufert Deus, ut ibi  
quæramus, & quærendò inveniamus, ubi felix  
perpetuitas. Felix jactura, & damnum, quod  
tam salutaris doctrinæ fit magisterium. Dese-  
rant illa nos potius, quàm ut Deum deseramus.

*Instructio meritoria.*

O quàm modica nobis de Deo spes! satisfaciamus,  
& propter multivarias pusillanimitates im-  
patientias, murmura, & inordinatas tristitias per-  
*precu*  
*et* solvamus vespas ex officio defunctorum cum  
uno peculiari Rosario pro animabus, quæ & pro-  
pter paria vitia gravissimè luunt inter purgatorii

cor-

tormenta. Descendamus ad inferos! docebimur,  
plus perpeti mundi mala, quàm favoribus ac lau-  
dibus hominum extolli.

## II.

**P**uerulum adhuc Mater Divina Maria invisit,  
& in tesseram sui amoris casulam donavit  
purpurei coloris. Honorat Maria devotos sibi  
amicos. Hæc munera si nobis desint, fili!  
causa in promptu est. Vacui sumus Mariæ re-  
verentiâ, & amore. Mater est pulchræ dilecti-  
onis, & timoris, & agnitionis, & sanctæ spei.  
In Maria gratia omnis vitæ, & veritatis; in  
Maria omnis spes vitæ, & virtutis. *Regina cœ-  
lorum est, misericors est, Mater Unigeniti  
Dei est.* Et ab homine despicitur, inhonoratur?  
Fili! non emendabimus pro anno sequenti?

*Instructio meritoria.*

Non annum expectemus novum! Sit hodie  
amori initium! Ergo, quæ vacua sunt, implea-  
mus, præsertim à manè ad signum salutationis  
Angelicæ sine mora surgendò, hâcque primâ  
diei, & nostrum victoriâ Mariam venerandò.  
Salutationi subjungamus *quinq; Ave cum Ma-  
gnificat.* O felix! ò sanctum! ò jucundum diei  
initium, quod cœptum à nomine Mariæ. *Hoc  
reficit lassos, sanat languidos, illuminat cæcos, re-  
creat debiles, ungit agonistas, pellit demones.* Idiota.

## III.

**M**aria S. Thomam docuit modum sua tum  
in terris, tum in cœlis concepta venerandi  
gaudia. Sic nunquam non in bono Magistra  
est

718 XXXI. Decembr. S. Sylvestri Papæ.

est cœlitum Regina, dulcis Virgo Maria. In difficultatibus ad Eam recurramus! Audiet vota! Approbabit desideria! *Qui me invenerit, inveniet vitam, & hauriet salutem à Domino.*

*Instructio meritoria.*

Quia Maria sic ordinavit, & sua gaudia mundo manifestavit, in venerationem *septem gaudiorum*, quibus in terra fuit perfusa; item & illorum septem, quibus jam gloriosa lætatur in cœlis, totidem *Pater & Ave* cum *septemplici Magnificat* oremus. Recedant tristitia, ubi recoluntur Mariæ gaudia! Ad hæc *ridet cœlum, terra lætatur, Angeli congaudent, demones contremiscunt.* Idiota,

Dies ultima Anni sacra S. Sylvestro Papæ, & Thaumaturgo Clementissimo.

#### EXHORTATIUNCULA I.

**F**ili! quod Paulus, quod & sibi in lectulo mortis dixit S. Sylvester, nimirum: *Bonum certamen certavi, cursum consummavi, fidem servavi.* An idem & nobis hæc ultimâ anni die repetere licet? Licet, si vita non reclamet. Quæ enim consolatio nostra, si nos damnet propria conscientia? Huic dum annò sequenti invigilabimus solliciti, recordemur, nos laboraturos Deo: & jam labor non erit gravis. Ubi enim amor est magnus, ibi omnis labor est modicus. Possumus laborem alleviare, fugere omnem non possumus.

*Instructio meritoria.*

Reformemus jam corpus humilitatis nostræ,  
&

& ad magna opera pro Deo, & bona conscientia fortiter in dies instantis anni statuenda præparemus. Sed ab humilitate principium. In sacro tribunali, quod vel hodie ex singulari devotione frequentandum, nos accusemus de omni abusu temporis nobilissimi: de abusu talentorum, aliorumque tum naturæ, tum gratiæ donorum, & in satisfactionem omnes psalmos pœnitentiales recitemus. Hi quid pro tantis negligentis?

## II.

**T**Ransit denuò de vita nostra annus: sed cui? & quomodo? Ah! si vel hâc horâ serio deperdita deplorarem tempora, quæ nobis ad pœnitendum, & Deum possidendum concessa sunt! At quî vivemus impostherum? Sanctius, & ferventiùs vivendò priora redimamus tempora! Fiat! Nam S. Paulus rogat: *Videte itaq; fratres! quomodo cautè ambuletis, non quasi insipientes, sed ut sapientes, redimentes tempus.* ad Ephesios 5.

*Instructio meritoria.*

Coram Crucifixo, vel sanctissimo Venerabili deprecemur prostrato corpore transacta malè tempora, & denique subjungamus Lytanas ad omnes Sanctos, quos hoc annò nostrâ offendimus sociordîâ. Humilis confessio est novarum gratiarum impetratio.

## III.

**Q**uid omisit bonorum Deus, quæ nobis hoc potuit præstare annò, & non præstitit?

Nos

Nos verò quid non omisimus? Quanta in Dei servitio negleximus? Abyssus abyssum invocat, si seriò perpendamus. Verum, ò chare fili! confidamus! animos reassumamus! Dedit Deus nova tempora! Hæc Deo, & saluti duntaxat impendamus. Sit tota impofterum diei cura, *pati mala, & agere bona.* An non recordamur, quid nobis Petrus Chrysológus: *Dedimus corpori annum, demus animæ dies. Vivamus paululum Deo, qui toti viximus seculo!*

*Instructio meritoria.*

Certum nobis conscribamus ordinem vitæ futuris annis continuandum. Ad benedicendum exhibeatur Venerabili Patri spiritali. Pretium providæ adedò industriæ pandet experientia. Cæterùm ut diem quondam ultimum feliciter, suavitérque claudere mereamur, ex reflexo gratitudinis affectu (quantùm commodè fieri potest) tria cum suis Mysteriis SS. Rosaria SSS. Trinitati offeramus, & annum cum *Te Deum* finiamus pro tessera revolventes verba Magni Indiarum Apostoli: *Non quiescendi hîc locus est, sed eundi. Viatores nos voluit Deus, qui æternitati per momenta propinquamus. Par in hoc omnium, qui nati sunt, conditio; illa dispar: quod ad infelicem isti, beatam alii properent regionem.* Sic anno noviter instanti curramus, ut comprehendamus, & jubilantes dicamus:

*In omnibus glorificetur Deus, & in Deo  
Magnus Pater Benedictus.*

ADAUC-